

- 1\* وزیر اعظم نریندر مو دی نے اج نیٹی آیوگ مانہہ اقتصادت غا ماہرین نال ملاقات کی ہے۔
- 2\* عدالتِ عظمیٰ نے نیٹ انڈر گریجوٹ امتحان مانہہ بوئی بے ضابطگیاں ور سنوائی 18 جولائی تک ملتوی کر دتی ہے۔
- 3\* ضلع کٹھوعہ مانہہ بین القوامی سرحد ور حفاظتی صورتحال غو جائزو لین خاطر اج سرحدی حفاظتی فوج تے پولیس غا کئی افسر اکھٹا ہوا ہیں۔
- 4\* اج عالمی یوم آبا دی منایو جا رہیو ہے۔

\*\*\*\*\*

### PM Economic Budget

وزیر اعظم نریندر مو دی نے اج نوی دہلی مانہہ نیٹی آیوگ غا نامور ماہرین اقتصادت سنگ گل بات کی ہے تا نجے 25/2024 غا بجٹ پیش کرن توں پہلاں اُن غی تجویز تے خیالات شامل کیا جا سکیں۔ وزیر خزانہ نر ملا سیتھا رمن، نیٹی آیوگ غا وائس چیرمین سُم بیر، وزیر اعظم گا پرنسپل سیکریٹری پی کے مشرا تے سرکردہ ماہرین اقتصادیات اس میٹنگ مانہہ شریک ہیں۔ پارلیمنٹ غو بجٹ اجلاس اس مہینہ غی 22 تا ریخ نانہہ شروع وے گو جد کہ 23 تا ریخ نانہہ مرکزی وزیر خزانہ نرملا سیتھا رمن 25/2024 غو بجٹ پیش کریں گی۔ واضع رہے جے نریندر مو دی سرکار اپنی تیجی معیاد غا پہلا بجٹ نانہہ پیش کرن جا رہی ہے۔ پچھلے مہینہ پارلیمنٹ غا دوباں ایواناں غا مشترکہ اجلاس سنگ خطاب کرتاں واں صدرِ جمہوریہ دروپدی مرمو نے اس گل ور زور پاتاں واں کہیو تھو جے یوہ بجٹ حکومت غی پالیسیاں تے مستقبل بدف واسطے موثر وے گو۔ اُنہاں نے کہیو تھو جے اس بجٹ مانہہ بڑا معاشی تے سماجی فیصلاں غے نال نال کئی تا ریخ اقدامات ور دیکھن واسطے لین غا۔ واضع رہے جے لوک سبھا انتخابات غی وجہ توں اس سال فروری مانہہ عبوری بجٹ پیش کیوگیو تھو۔

\*\*\*\*\*

### SC NEET Hearing

نیٹ امتحان غا سلسلہ مانہہ بوئی بے ضابطگیاں غے پیش نظر عدالتِ عظمیٰ مانہہ چل رہی سنوائی اس مہینہ غی 18 تا ریخ تک ملتوی کر دتی ہے۔ چیف جسٹس ڈی وائی چندرچڈ غی سربراہی مانہہ متعلقہ بنچ نے اس معاملہ نانہہ عارضی طور ملتوی کر غے این ٹی اے تے مرکز نانہہ جواب دائر کران غو موقعو دتو ہے۔ سپریم کورٹ مانہہ اج نیٹ انڈر گریجوٹ 2024 طبی داخلہ امتحان مانہہ بوئی بے ضابطگیاں ور سنوائی بوئی تھی۔ مئی 5 نانہہ منعقد کرایا گیا اس امتحان مانہہ ملتوی کر غے دوبا رہے امتحان لیا جان غی مانگ کی گئی تھی۔ سپریم کورٹ غی ہدایت ور وزارت تعلیم نے آئی آئی ٹی مدراس نانہہ ضروری ڈاٹا ور نظر ثانی غی ذمہ داری سونپی تھی۔ اس تیں پہلا سومواریں عدالتِ عظمیٰ نے کہیو تھو کہ نیٹ انڈر گریجوٹ امتحان مانہہ کئی معاملات ور سمجھوتہ کیا گیا ہیں۔

\*\*\*\*\*

## Prez Sports

صدرِ جمہو ریہ درویدی مُرمو غی کھیڈاں توں متعلق فطری محبت اُس وقت دیکھی گئی جد اُنہاں نے راشٹریتی بھون غا بیڈ منٹن کورٹ مانہ مشہو ر کھلاڑی سائنا نہوال سنگ بیڈ منٹن کھیڈیو۔ محترمہ مُرمو غو یوہ متاثر کُن قدم بھارت غی بیڈ منٹن کھیڈ غا اُبھرن واسطے خاصو اہم منیو جا ریو ہے۔ جس مانہ خواتین کھلاڑی عالمی سطح ور بہترین اثر پا سکیں۔ مائی سٹوری یعنی میری کہانی لیکچر سریز غا اک حصہ غا طو ر ور جس مانہ پدم اعزاز یافتہ خواتین شامل ہیں۔ غے تحت بھارت غی مشہو ر کھلاڑی سائنا نہوال اج راشٹریتی بھون غا ثقافتی مرکز توں سامعین سنگ گل بات کریں گی۔

\*\*\*\*\*

## RSETI SBI Training

سٹیٹ بینک آف انڈیا نے ریا سی گا دیہی خود روزگا ر تربیتی ادارہ غا اشتراک سنگ کٹڑا بلاک غا دور دراز گراں بھنگل مانہ خواتین واسطے لباس، زیورات، صنعت کا ری ور مبنی تربیت غی شروعات کی۔ اس شروعات غی مالی مدد نبارڈ کر ریو تھو جس غو مقصد دور دراز علاقوں غی خواتین نانہ بُنر ور مبنی تربیت فراہم کر غے باختیار بنانو ہے۔ اس ضمن مانہ مہارا ضلع غا نمائندہ دویندر ٹھاکر سنگ گل کرتاں واں کجھ تربیت حاصل کرن آلاں نے اس طرح کہیو۔۔۔

\*\*\*\*\*

## Sampoornata Abhiyan Ramban

خطہ جموں مانہ مجموعی ترقی نانہ مزید بدھان خاطر ضلع رام بن غی کھڑی بلاک غی وارڈ نمبر 2 مانہ مثالی بلاک پروگرام غے تحت سمپورنتا ابھیان غو اج انعقاد کیو گیو۔ اس پروگرام غو اہم مقصد علاقہ غی کا رکر دگی نانہ بہتر کرنو تے مرکزی حکومت غی بکھ بکھ فائدہ مند سکیمیں با رے آگاہی دینو تھو۔ کھڑی بلاک غا لوک صحت، تعلیم، پین غا صاف پانی، ذراعت تے دیگر با رے آگاہ تھا۔ تاہم حاملہ خواتین نانہ قبل از پیدائش غی دیکھ بھال غے تحت خوراک غا منصوبہ تے اہمیت با رے آگاہ کیو گیو۔ اس سلسلہ مانہ مہارا نمائندہ اجے دیپ سنگھ نال گل کرتاں واں بلاک افسر کھڑی اشتیاق بشیر نے اس طرح کہیو۔۔۔

\*\*\*\*\*

## Ramban Yatra MC

ضلع رام بن مانہ حفاظتی دستہ امرناتھ یا ترا ور آیا عقیدت منداں نانہ حفاظتی ماحول فراہم کرن غے نال نال طبی سہولیات وی دستیاب کرا رییا ہیں۔ سی آر پی ایف غی 84 بٹالین غی طرفوں ضلع رام بن غے اندر موبائل طبی امداد ٹیم یا تریاں نانہ طبی سہولیات فراہم کر رہی ہیں۔ یاہ ٹیم ڈاکٹر انو گھورکھے غی سربراہی مانہ سی آر پی ایف، نیم طبی عملہ غا تعاون نال یوہ کم سرانجام دے رہی ہے۔ یاہ ٹیم یا تریاں نانہ مفت طبی سہولیات تے دوائی تقسیم کر رہی ہے۔ اس سلسلہ مانہ ڈاکٹر انو گھو رکھے نے اس طرح کہیو۔۔۔

\*\*\*\*\*

## DC Jammu Education

مرکزی حکومت غی طرفوں بچاں نانہہ اعلیٰ تعلیم مہیا کرایا جان غی نمایاں کو شش کی جا رہی ہے جس غے تحت ڈپٹی کمشنر جموں سچن کمار ویشے نے اک بڑو قدم چاتاں واں بچاں جھیڑا ٹریفک لال بتیاں ور کھل غے بھیک منگیں تھا یاہ دکاناں ور کم کریں تھا نانہہ بچایو گیو ہے۔ تے بچیاں غا سرکاری ہائر سکینڈری اسکول گاندھی نگر مانہہ محکمہ تعلیم سنگ رل غے ان بچاں نانہہ تعلیم فراہم کرائی جا ئے گی۔ تاہم اس ضمن مانہہ پورو خرچ ضلع انتظامیہ جموں غی طرفوں کیو جا ئے گو۔ اس موقع ور ڈپٹی کمشنر نے بولتاں واں اس طرح کہیو۔۔۔ با ٹ۔۔

\*\*\*\*\*

## Security Meet

اج ضلع کٹھوعہ مانہہ حفاظتی صورتحال غو جائزو لین خاطر بی ایس ایف تے پولیس غا اعلیٰ اہلکار اکھٹا ہوا۔ گذشتہ دنان مانہہ بین القوامی سرحد ور دراندازی اور 5 فوجی جوانان غی شہادت تیں بعد حفاظتی صورتحال غا جائزہ خاطر یہ اہلکار میٹنگ کر رہیا ہیں۔ واضح رہے جے ضلع ہیڈ کوارٹر کٹھوعہ تیں 150 کلو میٹر دور مچھیڈی کینڈلی علاقہ مانہہ بدنوٹا گراں غے نیڑے دہشت گرداں نے فوج غی 2 گڈیاں ور گولی با ری شروع کر دی تھی۔ جس مانہہ 5 فوجی اہلکار شہید اور دیگر اہلکار زخمی ہو گیا تھا۔ اس ضمن مانہہ اج ہوئی میٹنگ مانہہ ڈی جی پی آر آر سوین، پنجاب غا ڈی جی پی گورھو یا دؤ تے بی ایس ایف غا خصوصی ڈائریکٹر جنرل وائی بی کھورانیہ تیں علا وہ کئی دیگر اعلیٰ افسر وی موجود تھا۔ سرکاری اہلکاراں غے مطابق دہشت گرداں نے بین القوامی سرحد وروں دراندازی کر غے اُدھم پور تے بہدرواہ غا جنگلاں مانہہ پناہ لی اور خدشو کیو جا رہیو ہے کہ دہشت گرد 2 دہائی قبل وی اس رستہ غے ذریعے دراندازی کرتا رہیا ہیں۔ اس ضمن مانہہ چلائی گئی کاروائی مانہہ تقریباً 50 افراد نانہہ حراست مانہہ لے غے پو چھ تاچھ جا ری ہے۔

\*\*\*\*\*

## Search Operations

بسنت گڑھ مانہہ گذشتہ شام پیش آیا فائرنگ معاملہ تیں بعد بڑی تعداد مانہہ حفاظتی دستاں نے تلاشی کا روائی شروع کر دی ہے۔ اس سلسلہ مانہہ جدید ترین آلات ڈرونز تے دیگر سازوسامان غو استعمال وی کیو جا رہیو ہے۔ واٹ ناٹ کو ر غا جی او سی تے سی آئی ایف ڈلٹا گا جی او سی نے بسنت گڑھ تے ڈوڈہ غو دورو لا غے ات حفاظتی انتظامات غو جائزو لیو ہے۔ علاقہ غے اندر امن غی صورتحال بحال رکھن خاطر موثر اقدام کیا جا رہیا ہیں۔ ضلع ڈوڈہ غا گھنا جنگلاں مانہہ اج تیجے دن وی تلاشی کا روائی غو سلسلو جا ری ہے۔ پولیس غا اعلیٰ اہلکار نے دسیو ہے جے اج سویرے تیں ہی تلاشی کا روائی مانہہ مزید بدھا دتو گیو ہے تا کہ علاقہ غے اندر موجود دہشت گرداں نانہہ تلاشی کیو جا سکے۔ اُنہاں نے کہیو کہ منگلواریں دوپہر نانہہ دہشت گرداں تے حفاظتی دستاں بشکا ر 2 گھنٹا تک گولہ با ری غو سلسلو جا ری رہیو جس تیں بعد تلاشی کا روائی شروع کر دی گئی ہے۔ دسیو گیو ہے کہ اس وقت تک

كسے وی دہشت گرد غی موت غی تصدیق نہیں ہوئی اور علاقہ غے اندر تلاشی کا روائی جاری ہے۔

\*\*\*\*\*

### Rajouri Blast

ضلع راجوری مانہہ گذشتہ شام قبضہ لکیر غے نیڑے بم دھماکہ ہوؤ اور لام سیکٹر مانہہ مشکوک نقل و حرکت دیکھی گئی۔ ذریعہاں غے مطابق اس سلسلہ مانہہ صفر لائن غے نیڑے تے دیگر علاقان مانہہ تلاشی کا روائی شروع کر دتی گئی۔

\*\*\*\*\*

### Population Day

اج آبا دی غو عالمی تہاڑو منایو جا رہیو ہے۔ یوہ تہاڑو ہر سال 11 جولائی نانہہ منایو جا ئے تا نجے بدھتی وی آبا دی غی وجہ توں پیدا ہون آلی للکاراں تے مواقع ور توجہ مرکوز کی جاسکے۔ اس تہاڑہ نانہہ آبا دی متعلق خدشات نانہہ دور کرن تے پائیدار مستقبل بارے کم کرن واسطے یا دہانی غے طور ور منایو جا ئے۔

\*\*\*\*\*

### Nadda Population Day

مرکزی وزیر صحت جگت پرکاش نڈا نے اج عالمی آبا دی تہاڑہ گا موقع ور نوی دہلی مانہہ کنہہ غی منصوبہ بندی خاطر ”سگم ماڈل اقدام“ غی شروعات کی ہے۔ اس ماڈل غے تحت نوزائید بچاں تے حاملہ عورتاں غی صحت تے حمل غا اوقات ور تبادلہ خیال کیو گیو ہے۔ بکھ بکھ رہا ستان غے اندر صحت تے کنہاں غی فلاح و بہبود خاطر محکمان نال ویڈیو کانفرنسنگ غے ذریعے خطاب غے دوران جناب نڈا نے کہیو کہا س وقت کنہاں غا ماضی حال تے مستقبل غا منصوباں نانہہ دیکھن غی ضرور ہے۔

\*\*\*\*\*